



Universitätsbibliothek Paderborn

**TRACTATVS|| DE CON-||FESSIONIBVS MA=||LEFICORVM ET
SAGA-||RVM SECVNDÒ RECOGNI||tus, & auctior redditus.||
An, & quanta fides ijs adhibenda sit?||**

Binsfeld, Peter

Avgvstae Trevirorvm

VD16 B 5530

Qvaestio I. An diuinatio per augurium aut auspicium omnino sit illicita?

urn:nbn:de:hbz:466:1-41113

Sic Clarus loco cit. & Menochius de arbitrar. Iud. qq. lib. 2. casu 330. qui plures in hanc sententiam citat. Dicit tamen Clarus, quod non consuleret iudici, ut loco deportationis imponeret poenam mortis, ubi pro eo delicto non esset imposita à statuto, vel à consuetudine, & ita obseruatur. Vnum hic tam ex lege diuina, quam canonica & ciuili annotandum, quod quamuis grauissimum sit peccatum diuinatores consulere, eorum operam requirere, & responsa expetere: tamen hisce temporibus sine scrupulo multi eos acedunt, cum Magistratus scientia & tolerantia, nec est qui cogitet vel minima poena eos afficere. Imo nec ipsis diuinatores aut sortilegi puniuntur. Quare quia principijs non adhibetur medium, non est mirum si homines paulatim in maioria scelera cadant.

QV AESTIO I.

An diuinatio per augurium aut auspicium omnino sit illicita?

VI DETVR quod sic, ex scripturis citatis, presenti L. & can. in quibus locis damnantur augures, aruspices, & diuinatores.

De hac materia agunt S. Thom. 2.2.q.95. S. Antoninus 2. part. tit. 12. cap. 1. §. 8. Sylvestrinus in summa, in verb. Superstitio. Alij summissae in eo,

codem verbo, vel in verbo Sortilegium, & di-
uinatio. Ioannes à Turrecremata in 26. q. 2.
can. Sed & illud. Archidiac. in eod. c. q. 4. cap.
Igitur.

Circa hanc vanitatem multum gentiles
fuerunt curiosi. Vnde singulariter certas aues
obseruabant. Phryges, quid cornix loquatur,
inquiunt, diligenter auscultat, situmq; eius se-
dentis aut volatis nullatenus contemnas. Re-
fert enim plurimū à dextris sit, an à sinistris,
qua positione respiciat cubitum gradientis:
loquax sit an clamosa, an silens omnino: præ-
cedat, sequatur, transeuntis aduentum, an fu-
giat, quoé discedat, non negligenter ferunt
attendum. Hinc illud Vergili:

*Quid, nisi me quacunq; nouas incidere lites,
Ante sinistra caua monuisset ab ilice cornix?*

Nec tuus hic Meris, nec viueret ipse Menalcas.

Referunt quidam, quod ea die, qua Ale-
xander natus est, duæ aquilæ super culmine
partis domus eius tota die sederint, auspiciū
duplicis imperij, Europæ Asiæq; præferentes.
Semper autem auguratores arbitrati sunt in-
fausta esse bubonis, strigis, & noctuæ auguria.
Ad quem finem tendit illud narratum in hi-
storia Scholastica, quod Herodes Agrippa,
cùm esset Romæ in carcere quodam, quidam
Augur dixit ei: Nol timere: quia citò liberabe-
ris & sublimaberis, & in illa prosperitate mo-
rieris: quod præsens bubo in arbore residens

II 5 de-

demonstrat. Quām citd autem huius generis animal super te videris, vltra quintum diem viuere non valebis. A gentilibus ad nostra tempora puto hanc superstitionem deriuatam. Multi si ægrotent, molestissimè ferunt noctuæ clamores. Sed his omissis superstitionibus, veritas rei determinanda est.

Prima Conclusio. *Licitum est aliquando ex garritu, motu, aut auium dispositione futura prædicere, quæpendent ex instinctu naturali auium.*

CVm enim bruta animalia habeant animam tantum sensituum, cuius omnes potentie sunt actus corporalium organorum, subiacet eorum anima dispositioni continentium corporum, maximè cœlestium, & ideo nihil prohibet alias eorum operationes esse futurorum signa, in quantum conformantur dispositionibus corporum cœlestium, & aeris continentis, ex quibus proueniunt aliqui futuriuentus. In hoc tamen duo consideranda sunt: Primum quidem, vt operationes huiusmodi non extendantur, nisi ad præcognoscenda futura, quæ efficiuntur per motus cœlestium corporum, de quibus suprà. Secundum vt non extendantur, nisi ad ea, quæ aliquatenus possunt ad huiusmodi animalia pertinere. Consequuntur enim per cœlestia corpora cogniti.

cognitionem quandam naturalem, & instinctum ad ea, quæ vitæ sunt necessaria, sicut sunt immutationes, quæ fiunt per pluuias & ventos, & alia huiusmodi. Sic S. Thomas loco citato, quem sequuntur S. Antonin. Turrecrem. Sylvest. & alij. Ad huius conclusionis confirmationem facit illud Hieremiæ 8. Miluus in cœlo cognovit tempus suum: turtur & hirundo, & ciconia custodierunt tempus aduentus sui. Sic quædam aues quando frequenter gariunt, indicant futuram pluuiam. Sic grues & hirundines præsentient futurum frigus hyemis, ac fugiunt ex partibus nostris, & aduentante calore æstatis, redeunt. Sic etiam experientia compertum est, quod quando perditæ, aliæ aues, aut lepores, vel quædam alia animalia circa medium hyemis pinguiora sunt, longius erit frigus: quia natura hoc dictante, & quasi præfigiente, se impinguant. Hęc enim & similia cù m sint naturalia & sensibilia, ut pote ad conseruationem individui necessaria, à dispositione cœlestium corporum imprimentur naturæ sensitivæ animalium.

Secunda Conclusio. *Ex auium gestibus prædicere aliquæ futura, quando mouentur ad aliquid agendum motu angelico, non est illicitum.*

VT patet in columba super Christum descendente: & in corvo, qui pavit Heliam:

& in

& in cete, qui euomuit, & eiecit Ionam. Sic S.
Thomas & Doctores citati.

Tertia Conclusio. Ex motibus aut
garritu auium futura, quæ non subsunt eo-
rum naturæ, aut cælorum motu: prædicere
non licet.

HANC Conclusionem probant sacræ lite-
ræ, canones & leges locis citatis. Quia sic
futura prædicere, non potest prouenire, nisi
ex pacto cum Dæmonibus, qui vtuntur mo-
tibus & vocibus auium ad deceptionem illo-
rum, quia talibus intendunt.

Quarta Conclusio. Quæ dictasunt
de motibus & vocibus animalium, quan-
tum ad futurorum præsagia, eadem locum
habent in cæteris animalibus ratione ca-
rentibus.

QVIA similius similis est ratio. Dictis
obstare videtur, quod legitur de Ioseph
Genes. 44. cuius dispensator dixit: Scyphum,
quem furati estis, ipse est, in quo bibit Domi-
nus meus, & in quo augurari solet. Et ipse
dixit postea fratribus suis. An ignoratis, quod
non sit similis mei in augurandi scientia? S.
Augustinus in quæstionibus super Genesim
cap.

cap. 145. dicit Ioseph dixisse, non esse similem sibi in scientia augurandi ioco, & non serio, referens fortè hoc ad illud, quod vulgus de eo opinabatur. Et sic etiam dispensator eius locutus est. Hanc responzionem S. Thomas in q.d. art. 7. ad 1, & Doctores reliqui amplectuntur.

QUAESTIO II.

An diuinatio per somnia sit licita.

TRACTANT S. Thom. q. dicta artic. 6. S. Antonin. loco cit. §. 7. Turrecremata 26. q. 7. can. Non obserueris. Sylvest. in verbo Superstitio. Somniorum etiam materiam ad longum prosequitur Coelius Rhodiginus lectionum antiquarum lib. 14. à cap. 40. & latissimè Benedictus Pererius lib. 2. de magia.

Ante resolutionem annotandum est, quod aliquid, quod significat alterum, cum eo aliquam coniunctionem habere debet. Vel per intellectum, ut hædera vinum vendibile significat: vel secundum rem, prout fumus denotat ignem. Res autem cum re connectitur aut ut cauſa, aut ut effectus, aut per accidens, ut, exempli gratia, aliquis nocte somniat se hominem occidisse, interdiu ex accidenti ab alio homo occiditur. Deinde considerandum est,